

重刻漢中府志



00132
05140

陝西省教師進修學院
圖書館藏書章

陝西教育學院
圖書館藏書章

漢南續脩郡志卷之十四

漢中府知府關左滕天綬 輯

漢中府知府楚南嚴如煜 重輯

祀典壇廟祠祀儀注均遵禮部

社稷壇

直省府州縣各擇爽塏之地建

社稷壇均向北歲以春秋仲月戊日爲民祈報會城巡撫主祭有總

督省分則以總督主祭道員分治各府者於所治主祭其餘府

州縣皆正印官將事以各學教官糾儀生員充禮生會城丞倅

執事府州縣以掾吏執事

儀注

直省祭

渭南師範學院
圖書館藏書章

莫可廣行序
卷之十四
祀典

社稷壇前期二日承祭陪祭執事各官各致齋於公所祭日預陳祭品每

神位前各 帛一 鉶二 簠二 簋二 籩四 豆四 爵三

共羊一 豕一 尊一 鷄初鳴承祭官以下咸朝服齊集黎明贊引禮生二人引承祭官詣盥洗所盥洗通贊禮生贊執事者各司其事引贊者引承祭官至階前拜位立引班禮生二人分引陪祭官文東武西各就拜位序立乃迎

神贊引者引承祭官升壇詣香案前司香跪奉香承祭官三上香復位行三跪九叩禮陪祭各官皆隨行禮奠帛初獻爵司帛奉篚進跪奠篚司爵奉爵進獻爵奠正中皆退司祝禮生至祝案前跪承祭官暨陪祭官各皆跪司祝讀祝畢詣

神位前跪安於案叩如初退承祭官暨陪祭各官行三叩禮亞獻爵

奠於左終獻爵奠於右均儀如初獻乃徹饌送

神承祭官行三跪九叩禮陪祭各官皆隨行禮司祝奉祝司帛奉帛
恭送瘞所承祭官轉立拜位西旁東面候祝帛過復位引至望
瘞位望瘞贊引告禮成引退衆皆退

神祇壇

直省府州縣各建

神祇壇於春秋仲月祭

天神

地祇及本境

城隍之神在城文武皆與祭雩及祭厲均詣壇將事例同

儀注

神祇壇春秋仲月致祭設案一於壇正中南向

風雲雷雨神位居中境內

山川神位居左

城隍神位居右陳

釧二

簋二

簋二

籩四

豆四

案前

設俎

陳羊一

豕一

又前設案一

供祝版

陳香盤一

鑪一

鐙二

西設案一

陳帛一

尊一

爵二十有一

祭 陳福酒福胙於尊俎之次主祭官及陪祀官執事官序班並如

社稷壇之儀引班引贊通贊及執事諸人以次序立質明引班引陪

祭官入通贊贊執事者各司其事贊就位引主祭官至階下盥

手就拜位立陪祭官按班就東西拜位立均北面迎

神上香讀祝行獻禮儀節均與祭

社稷壇同○孟夏後諏吉行常雩禮陳設儀注同前若歲間不雨守

土長吏諏宜祀之辰具祝文

隨時撰擬

備牲牢籩豆香帛尊爵饌

之屬率屬素服祈禱行禮儀節與常祀同既應而報陳設供具

朝服行報祖禮與祈祀同○每歲三月清明節七月望十月朔

日祭厲壇於城北郊前期守土官飭所司具香燭公服詣

神祇壇以祭厲告本境

城隍之神上香跪三叩興退至日所司陳羊三豕三米飯

三右尊酒楮帛於祭所設燎爐於壇南黎明禮生奉請

城隍神位入壇設於正中香案一爐燈具贊禮生二人引

守土官公服詣

神位前贊跪守土官跪贊上香守土官三上香贊叩興守土官三

叩興退執事者焚楮帛守土官詣燎爐前祭酒三爵退禮生仍

奉

城隍位還

神祇壇退

先農壇

一凡直省府州縣各建

先農壇歲以三月亥日致祭省會以總督或巡撫主祭有故則布政使攝陪祀文武官及各執事均與祭

社稷同

儀注

直省祭

先農壇以三月亥日主祭陪祭執事各官前期二日各致齋於公所掃除壇壝內外祭日雞初鳴執事人入設

先農神案於壇正中南向陳

鉶二

簠二

簋二

籩豆各四

案前設俎陳羊一豕一又前設香案一陳祝文香盤鑪

鐙左設一案東向陳帛一尊一爵三陳福酒胙肉

於尊俎之次設盥洗於階下之東質明引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官按班就東西拜位立均北面迎

神上香讀祝行三獻禮餘儀與祭

社稷同

風雲雷雨之神

直省

風雲雷雨之神如有專立廟宇者守吏以時致祭如祭

神祇壇之禮

名山大川之神

直省

名山大川之神每歲春秋仲月守吏率屬致祭有專祠者於祠內行禮未立專祠者設壇致祭儀與告祭遣官同但告祭有用太牢者常祭俱用少牢

先師廟

文廟祀典漢高祖十二年過魯以太牢祀孔子平帝元始初追謚孔子曰褒城宣尼公安帝延光三年祀七十二子於闕里魏正始七年始祀於辟雍以顏回配唐貞觀中升孔子爲先聖配以顏回詔州縣皆作孔子廟此州縣建學之始尋尊孔子爲宣父以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服虔何休王肅王弼杜預范甯賈逵共二十二

人配享廟堂開元中勅收十哲爲坐像曾參坐十哲之次圖畫七

十子及二十二賢於廟壁復贈孔子爲文宣王位正南面衣以袞
冕牲用太牢樂舞八佾十哲東西列侍顏子贈公餘贈侯伯宋元
豐七年始以孟子同顏子配食荀況楊雄韓愈並從祀崇寧四年
詔文宣王甲冕十二旒服九章大觀二年詔躋子思子從祀淳祐
元年加周敦頤張載程灝程頤封爵與朱熹並從祀景定二年復
加張栻呂祖謙從祀咸淳三年始以曾參孔伋與顏孟爲四配升
顏孫師於十哲列邵雍司馬光從祀元大德十一年加號孔子大
成至聖文宣王皇慶二年以許衡從祀延祐三年加封顏回充國
復聖公曾參鄒國宗聖公孔伋沂國述聖公孟軻鄒國亞聖公至
順元年加封叔梁紇爲啟聖王明洪武三年詔孔子封爵仍舊二
十六年頒大成樂器於天下府學令州縣取式於府學二十九年
以董仲舒從祀罷楊雄宣德十年以吳澄從祀正統二年以胡安

國蔡沈真德秀從祀三年禁祀孔子於釋老宮宏治八年以楊時
從祀嘉靖九年改大成至聖文宣王曰至聖先師孔子四配曰復
聖顏子宗聖曾子述聖子思子亞聖孟子東西十哲兩廡及門弟
子曰先賢某子左邱明以下曰先儒某子又別立祠祀叔梁紇爲
啓聖公此啟聖祠之始以顏無繇曾點孔鯉孟孫激配享稱先賢程珦朱
松蔡元定從祀稱先儒罷公伯寮秦冉顏何荀况戴聖劉向賈逵
馬融王肅王弼何休杜預吳澄十三人又以申黨申根實係一人
去黨存根增祀后蒼王通歐陽修胡瑗陸九淵而以林放蘧瑗鄭
衆盧植鄭康成服虔范甯七人各祀於其鄉撤諸塑像易以木主
改大成殿曰先師廟大成門曰廟門太學用八佾十二豆籩郡國
減二等自四配以下舊封公侯伯爵盡行釐革隆慶五年以薛瑄
從祀萬歷十二年益以王守仁陳獻章胡居仁二十三年以周輔

成從祀啟聖祠四十一年以羅從彥從祀四十五年以李侗從祀
崇禎十五年改周邵二程張朱稱先賢位七十子下

國朝順治二年定謚號稱大成至聖文宣先師孔子文廟爲中祀十
四年仍稱至聖先師孔子康熙二十三年

御書萬世師表額於殿庭二十六年修飭禮制樂器令學官擇俊秀習佾
舞二十九年立官民下馬牌三十九年

御製至聖先師贊暨四賢贊頒學勒石

先師贊曰清濁有氣剛柔有質聖人參之人極以立行若習察舍道
莫由惟皇建極惟后綏猷作君作師垂統萬古曰惟堯舜禹湯文
武五百餘歲至聖挺生聲金振玉集厥大成序書刪詩定禮正樂
既窮象繫亦嚴筆削上紹往緒下示來型道不終晦秩然大經百
家紛紜殊途異趣日月無踰羹牆可晤孔子之道惟中與庸此心

此理千聖所同孔子之德仁義中正秉彝之好根本天性庶幾夙
夜勗哉今圖邇源洙泗景躅唐虞載歷庭除式觀禮器摘毫仰贊
心焉遐企百世而上以聖爲歸百世而下以聖爲師非師夫子惟
師於道統天御世惟道爲寶泰山巖巖東海泱泱牆高萬仞夫子
之堂孰窺其藩孰窺其徑道不遠人克念作聖

顏子贊曰聖道早聞天資獨粹約禮博文不遷不貳一善服膺萬
德來萃心齋坐忘其樂一致禮樂四代治法兼備用行舍藏王佐
之器

曾子贊曰洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承統緒修明
訓辭

子思子贊曰於穆天命道之大原靜養動察庸德庸言以育萬物

以贊乾坤九經三重大法是存篤恭慎獨成德之門卷之藏密擴之無垠

孟子贊曰哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配四十九年定二丁致祭武官一體行禮五十一年升祔朱子於十哲之次五十三年以范仲淹從祀雍正元年追封孔子五代王爵啓聖祠改爲崇聖祠各省學宮建忠義孝弟祠仍建節孝祠於學宮之外二年議定先賢先儒復林放蘧瑗秦冉顏何鄭康成范甯增縣亶牧皮樂正克公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澠羅欽順蔡清陸隴其從祀增張迪從祀崇聖祠三年避聖諱加卜讀爲某部頒文廟

禮樂圖籍四年

御書生民未有額於殿庭五年孔子誕辰齋戒一日乾隆三年
書與天地參額於殿庭升有若於十哲復祀先儒吳澄五年定樂舞用

一六佾設樂舞生四十名免其府縣考試嘉慶六年

御書聖集大成額於殿右

崇聖祠五王考

聖王 先聖之父諱叔梁紇

昌聖王 先聖之祖諱伯夏

詒聖王 先聖之曾祖諱防叔

裕聖王 先聖之高祖諱畢夷父一作祈父

啓聖王 先聖之五世祖諱木金公

崇聖祠配祀先賢考

顏氏 無繇字路
顏子父

曾氏 點字皙
曾子父

孔氏 鯉字伯魚
子思子父

孟孫氏激字公宜孟子父

從祀先儒考

周氏輔成周子父

張氏迪張子父

程氏珦字伯溫二程子父

朱氏松字喬年朱子父

蔡氏元定字季通沈之父

大成殿配饗四聖考

顏子回字子淵魯人

曾子參字子輿魯人

子思子伋之孫

孟子軻字子輿鄒人

配饗先賢十二哲考

閔子損字子騫魯人

冉子耕字伯牛魯之鄆人

宰子弓字子我魯人

端木子賜字子貢衛人

冉子求字子有魯人

言子偃字子游吳人

卜子商字子夏衛人

顓孫子師字子張陳人

朱子熹字元晦婺源人

東廡從祀先賢考

遽子

王伯人

澹臺子

滅明字子羽

原子

憲字子思宋人

商子

瞿字子木魯人

漆雕子

開字子若蔡人

司馬子

耕字子牛宋人

冉子

孺字子魯齊人

伯子

虔字子楷魯人

冉子

季字子產魯人

漆雕子

侈字子斂魯人

公西子

赤字子華魯人

任子

不齊字子選楚人

公子

肩定字子中魯人

鄒子

單字子家

罕父子

黑字子索魯人

左子

人郢字子行魯人

鄭子

國字子徒魯人

原子

亢字子籍魯人

叔仲子

噲字子期魯人

公西子

輿如字子輿

邾子

斂字子異魯人

琴子

張字子開

步子

叔乘字子車齊人

秦子

非字子之魯人

顏子

何字子冉魯人

縣子

亶字子象

樂正子

克

周子

敦頤字茂叔營道人

程子

顓字伯淳河南人

邵子

雍字堯夫河南人

東廡從祀先儒考

公羊子

高齊人

伏子

勝字子賤濟南人

董子

仲舒廣川人

后子

蒼字近君